

जद मारा हंसा जनमीया रे मारा पवना जी



जद मारा हंसा जनमीया रे मारा पवना जी,
दोहा-दिन उगे धन्धो करे ने रात पड़े सो जाय
लाधुनाथ निज का भाई सीमरण किणवीध थाय।

जद मारा हंसा जनमीया रे मारा हँसला जी,
वाजीया सोवनीया थाल सोदागर हँसा हां,
घणीये करु मनवार मारा पवना जी,
घणीये करु मनवार मारा हँसला जी,
छोड़ मती जावो परभोम रे सोदागर हँसा हां,
रो आजुणी रात रे मारा पवना जी,
रो आजुणी रात रे मारा हँसला जी,
छोड़ मती जावो परभोम रे सोदागर हँसा हां। **lbd।**

थे ओबो मुँ केल रे मारा पवना जी,
थे ओबो मुँ केल रे मारा हँसला जी,
एकण थोणे रोपीयाँ सोदागर हँसा हां,
हिसण वाला परा गीया रे मारा पवना जी,
हिसण वाला परा गीया रे मारा हँसला जी,
कलमावा लागी वेल सोदागर हँसा हां,
रो आजुणी रात रे मारा पवना जी,
रो आजुणी रात रे मारा हँसला जी,
छोड़ मती जावो परभोम रे सोदागर हँसा। **lbd।**

थे रोटो मुँ दाल रे मारा पवना जी,
थे रोटो मुँ दाल रे मारा हँसला जी,
एकण भोणे परूसीयाँ सोदागर हँसा हां,
जीमण वाला परा गीया रे मारा पवना जी,
जीमण वाला परा गीया रे मारा हँसला जी,
वलखाँ लागे थाल होदागर हँसा हां,
रो आजुणी रात रे मारा पवना जी,
रो आजुणी रात रे मारा हँसला जी,
छोड़ मती जावो परभोम रे सोदागर हँसा हां। **lbd।**



ऊंची मेड़ी उजली रे मारा हँसला जी,
माय हिंडोला खाट सोदागर हँसा हां,
पोढण वाला परा गीया रे मारा पवना जी,
पोढण वाला परा गीया रे मारा हँसला जी,
वलखॉ लागे खाट होदागर हँसा हां,
रो आजुणी रात रे मारा पवना जी,
रो आजुणी रात रे मारा हँसला जी,
छोड़ मती जावो परभोम होदागर हँसा हां।bd।

गायक – परभुराम भाट ।

रिकोर्डिंग – Vagaram & Harjiram Choudhary

Ph – 9414903125